

արքունի թիկնապահ Սերնվեթ բեյը շտապ մոտենում է Բաբը Ալիի հազարապետին և հանձնում նրան ցուցարարներին զնդակահարելու հրամանը։ Սկսվում է ջարդը։ Գավառացի 18-ամյա Աբրահամը ատրճանակի կրակոցով ձիուց ցած է զլորում Սերնվեթ բեյին։ Թուրքական կառավարությունը, տեղյակ լինելով իրադրությանը, վաղօրոք ռազմական պատրաստություն էր տեսել։ Շուտով զորքը և խուժանը փակում են ցուցարարների ու նրանց միացած խոշոր բազմության ճանապարհը և սկսվում է սոսկալի ջարդը։ Գուցարարները պաշտպանվում և դիմադրում են։ Բերա և Ղալաթիա թաղամասերը տակն ու վրա են լինում։ Սպանվում է զորքի հրամանատարը։ Ամբողջ քաղաքում հալերի բնդհանուր ջարդ է սկսվում, որին զոհ է գնում մոտ երկու հազար հայ։

Այս բոլորը հետևանք էր այն բանի, որ հվրոպական դիվանագիտությունը ոչ մի գործնական քայլ չարեց։ Թուրքական կառավարությունը համոզված, որ մեծ տերությունների միջամտությունը դիվանագիտական ձևակառույցներին ցանկացած շեղում չէր անցնելու, ահավոր ջարդեր կազմակերպեց հենց մայրաքաղաքում՝ բազմաթիվ երկրների դիվանագետների աչքերի առջև³³։ Զարդերից հետո մեծ տերությունների դեսպանները մի ողորմելի և ոչինչ չասող դիմում ուղարկեցին Թուրքիայի արտաքին գործերի մինիստրին։ Սուլթանը երկրում ծավալվող բնդհանուր զայրույթը կասեցնելու համար 1895 թ. հոկտեմբերի 18-ին համաձայնվեց ստորագրել մայիսի 11-ի ծրագիրը, մտցնելով նրա մեջ այնպիսի փոփոխություններ, որոնք տեղ էին թողնում բռնությունների համար։

Սուլթանը ձեռն համար Շաքիր փաշային նշանակեց նույնպես բարենորոգումներ անցկացնող կոմիտար, սակայն նա ոչ միայն չկատարեց իր խոստումը, այլև նոր, ահավոր ջարդեր կազմակերպեց։ Ժամանակին շատերը սուլթանի կողմից հրատարակած բարենորոգումների հրովարտակը որակեցին որպես բնդհանուր կոտորածի յուրատեսակ ազդանշան։ Իսկ բարենորոգումների գործնական հսկողության տակ վերցրած պետությունները Հայ ժողովրդին որևէ օգնություն ցույց չտվին։

4. ԶԵՅԹՈՒՆԻ 1895 թ. ԱՊՍՏԱՄԲՈՒԹՅՈՒՆԸ

Սուլթանական կառավարության ջարդարարական քաղաքականության դեմ ղենթը ձեռքներին՝ իրենց կյանքը, պատիվն ու հայրենի հողը պաշտպանելու էլան Զեյթունի քաջամարտիկները։

Տակավին 90-ական թվականների սկզբներից սաստկացած հարստահարություններն ու դրանց դեմ Զեյթունի ու հարևան բնակավայրերի հայությանը ընդգլգումները լարված իրադրություն էին ստեղծել երկրամասում։

Հայաթանքներն ավելի սաստկացան 1892—1895 թթ.³⁴ Զեյթունի կառավարիչ Թևֆիկ բեյի և 1898 թ. նրա պաշտոնանկ արվելուց հետո որոշ ժամանակ կառավարիչ պարտականություններն ստանձնած Զեյթունի գառավոր (կադի) Սուլեյման բեյի կառավարման տարիներին։ Ահավոր կեղեքումները, բռնություններն ու զանգվածային բանտարկությունները ծայրահեղորեն սրել էին իրավիճակը։ Իշխանություններն ստիպված մի շարք թուրք պաշտոնյաների պաշտոնազրկեցին։ Զեյթունի նոր կառավարիչ նշանակվեց Ավնի բեյը, որը

³³ ՏՆ՝ Ան, Թուրքահայ հեղափոխության զազախարաբանությունը, հ. Ա, էջ 184։

նույնպես շարունակեց նախորդների վարքագիծը: Շուտով սկսվեցին ցեղապետների ու շնչների գաղտնի հրահանգավորումները, ապա նրանց ղեկավարությամբ հայերի դեմ ձեռնարկած ասպատակություններն ու դավերը³⁴:

1895 թ. հուլիսին Մարաշի կառավարչի և հարկահավաքի պարտականություններով, բայց առավել «հայ հեղափոխականներ» որսալու նպատակով, գինված ջոկատով Զեյթունի Արեգին (Ալաբաշ) գյուղը ժամանեց Ասլան բեյը: Հանդիպելով գինված գյուղացիների դիմադրությանը, պատժիչ այս ջոկատին չհաջողվեց անգամ ձերբակալել գյուղացետ (տանուտեր, քհնյա) հաշեր Կարապետյանին՝ Զեյթունի 1862 թ. ապստամբության հերոսներից մեկի՝ Կարապետ քհնյայի որդուն:

1895 թ. ամռանը, ժողովրդին վերահաս աղետի՝ ամենուր մոլեգնող ջարդերի դեմ պայքարի պատրաստելու նպատակով Զեյթուն անցան հնչակյան ու նրան հարող մի խումբ զործիշներ, այդ թվում Աղասին (Կարապետ Թուր-Սար-գիսյան), Ապահը (Պետրոս Գմբյան), Զելլաթը (Կարապետ Ղրփանոսյան), Հրաչյան (Հրաչյա Մարալ, Գրիգոր Ղարիբյան), Մլեհը (Ասատուր Տամղաճյան): Սրանց հետ էին նաև մարաշցի Զին Թորոսը, Աբրալի բանտից փախած Մուշի նշանավոր հայդուկ Մխո Շահներ, Միհրան Գալանը, Ասլանը (Մինաս էլմակյան), Կարապետ Սուրիասյանը, Նշան Ղազարոսյանը և ուրիշներ:

Ապստամբության նախապատրաստման ակտիվ գործունեություն ցուցաբերեցին զեյթունցի 74-ամյա իշխան Ղազար (Հազոր) Շորվայանը (Շովրոյան), Արեգին գյուղի տանուտեր հաշեր Կարապետյանը, Ավագկալի գյուղացետ Հարություն Գոճայանը, ս. Կարապետ վանքի փոխվանահայր Բարդուղիմեոս վարդապետ Թազաճյանը և ուրիշներ:

1895 թ. հոկտեմբերի 12-ին Արեգին գյուղի մոտ, Մութ Ձոր կոչված վայրում, հրավիրվեց ապստամբության ղեկավարների ժողով, որտեղ որոշվեց՝ տնտեսական ու քաղաքական ազատություն ձեռք բերելու նպատակով մահու և կենաց պայքար մղել թուրքական բռնակալության դեմ. երկու օր անց աղյուստամբական ուժերը շարժել դեպի Զեյթուն և պատրաստվել զրոհելու թուրքական զորանոցը³⁵:

Իշխանությունները, տեղեկանալով ժողովի ու զեյթունցիների ընդհանուր տրամադրության մասին, փորձեցին կեղծ բանակցությունների միջոցով ժամանակ շահել և դեպի Զեյթուն շարժել նոր կանոնավոր զորամասեր: Հապճեպ համարվեց Զեյթունի զորանոցի կայազորը: Զեյթունցիներն արդեն հոկտեմբերի 15-ին բախվեցին կառավարական զորքերի հետ:

Չահան և Բերդուս (Բերդիս) գետերի միացման շրջանում տեղի ունեցած անհավասար կռիվն, որը հետագայում կոչվեց Բերդուս Չայի ճակատամարտ, մասնակցում էին հայկական փոքրաթիվ ջոկատները՝ Փանոս Գամ-Բելիլեի, հաշեր Կարապետյանի և Զելլաթի ղեկավարությամբ, որոնց օգնության հասան նաև Կարապետ Տեր-Հակոբյանի և Նաղարեթ Չաուշի ջոկատները: Սակայն թշնամին ուժեղ էր: Չորս ժամ տևած կատաղի մարտերում, նրան զգալի կորուստներ պատճառելով, ջոկատներն անցան գետը և շատնալով Մարաշից

34 Աղասի, Զեյթուն և իր շրջակայքը, Պեյրութ, 1968, էջ 136—137, 153—154; Ն. Մ. Պաղասյան, Զեյթունի պատմությունը, էջ 334—335; Ս. Բյուրատ, Զեյթունի վրեժը, Կ. Պոլիս, 1911, էջ 72—79:

35 Տե՛ս «Զեյթունի պատմագիրը», էջ 174—175:

անկալվող օգնությունը, ստիպված նահանջեցին դեպի Զեյթուն, իրենց հետ տանելով վիրավորված նազարեթ Զաուշին: Այդ առաջին գոտեմարտում հերոսի մահով ընկավ Զեյլաթը:

Նույն օրերին Զեյթունից հարավ-արևմուտք ընկած Ֆոնուզ գյուղի ապստամբները, թուրքական ոստիկանության հետ արյունալի մի ընդհարումից հետո, Բարդուղիմեոս վարդապետի առաջնորդությամբ, միացան հիմնական ուժերին և նրանց հետ միասին շարժվեցին դեպի գորանոցը: Ճանապարհին տարրեր գյուղերից եկող բազմաթիվ նոր խմբեր ստվարացրին ապստամբների շարքերը և շուրջ յոթ հարյուրի հասնող ջոկատը հոկտեմբերի 15-ի լույս 16-ի գիշերը մոտեցավ գորանոցի պարիսպներին:

Հոկտեմբերի 15-ը խաղաղ չէր և Զեյթունի ներսում: Բռնկված ապստամբության արագ ծավալումից խուճապահար Զեյթունի թուրքական իշխանությունները շտապ հեռագիր ուղարկեցին Մարաշի նրանց ջանքերը՝ պառակտելու հայերի շարքերը և ապստամբների դեմ տրամադրելու նազարեթ Զաուշի հորեղբորդի՝ Նշան իշխանին, անցան ապարդյուն: Ընդհակառակը, Նշան Նորաշխարհյանը տեղեկանալով, որ ապստամբները շարժվում են դեպի Զեյթուն, իր փոքրիկ ջոկատով գրավեց կառավարչատունը և դերեց թուրքական բոլոր պաշտոնյաներին³⁵, Զինամիսիվեցին ու բանտարկվեցին՝ նաև բաղաբապահ գինյուրները: Ապստամբության շտաբը հաստատվեց սբ. Աստվածածնի վանքում և սկսվեց գորանոցը գրոհելու նախապատրաստությունը:

Հոկտեմբերի 16-ի առավոտյան արդեն շուրջ երկու հազարի հասնող ապստամբներն իրենց զորշնիրն էին ծածանում պաշարված գորանոցի շուրջը: Ապստամբներն անմիջապես կտրեցին գորանոցի հաղորդակցության բոլոր կապերը դրսի հետ, խափանեցին ջրի մատակարարումը և պատրաստվեցին գրոհի: Սկսվեց սիոխադարձ հրաձգությունը: Հոկտեմբերի 16—17-ի ընթացքում ապստամբներին հաջողվեց գրավել գորանոցի շրջակայքի թուրքական փոքրիկ շինություններն ու մզկիթը:

Մարաշից թուրքական զորամասերը շարժվում էին դեպի Զեյթուն, ուստի գորանոցի գրավումը խիստ կարևոր էր, ինչպես դիմամիկերը ձեռք բերելու, այնպես էլ ապստամբների մարտական ոգին բարձրացնելու առումով: Զեյթունի փորձառու երկաթագործ-դարբիններ Զուլադյան եղբայրների ու նրանց ընկերների պատրաստած յուրատեսակ բարանը՝ երկաթյա կիսաբոլոր անվաճիոր մեքենան, որի ետևից կարող էին անարգել գորանոցի պարիսպներին մոտենալ իրենց հետ հրդեհելու պարագաներ վերցրած մի քանի մարդ, շարժվեց դեպի գորանոց: Իսկ փորձված նշանառու հայդուկ-որսորդները կրակի տակ էին պահում գորանոցի մուտքերն ու բովանջքերը:

Պաշարված թշնամուն ահաբեկելու և խուճապի մատնելու նպատակով ապստամբները տարածեցին լուր, թե իբր մեծ տերությունների բանակները շարժվում են Թուրքիայի վրա, Կ. Պոլիսն արդեն գրավված է, անգլիական նավատորմը Մերսինում առափնել է ռազմարշավային բանակ, որն Ադանայի վրայով օգնության է շտապում զեյթունցիներին: Ապա գորանոցի մոտ բարձրացվեց Ֆրանսիական մի զրոշ (գուցե Կիլիկյան Աղզալին նուագույն զորքը, որ շատ նման էր Ֆրանսիականին) և կրակի տակ պահեցին այն տարածություն-

36 ՏՃ՝ Աղասի, Զեյթուն և իր շրջականներ, էջ 190:

նը, որով մոլեգնած թուրքական ղինվորները փորձում էին մերձենալ դրան³⁷։ Զորանոցի գրոհի ժամանակ իր արտակարգ քաջությամբ հատկապես աչքի ընկավ այնթապցի աշխարհազորային Հակոբջան Ավագյանը։

Գերված կայմակամն ու քաղաքապահ ջոկատի հրամանատարը ապստամբության ղեկավարների պահանջով նամակով ղիմեցին զորանոցի պարետին՝ անձնատուր լինելու, հակառակ դեպքում ապստամբներն սպառնում էին պայթեցնել զորանոցը և ոչնչացնել պահակազորը։ Զորանոցի կայազորի հրամանատար Իֆֆեթ բեյը հոկտեմբերի 17-ի երեկոյան դադարեցրեց դիմազորությունը, իսկ հաջորդ օրը՝ 60 ժամյա պաշարումից հետո, զորանոցն ամբողջությամբ հանձնվեց ապստամբներին։ Յոթ հարյուրի հասնող զերինները, Զեյթունի ոգևորված բնակիչների աչքի առաջ, զլխիկոր անցան ապստամբների սրի տակով։ Գերված սպաներին և մոտ հարյուրի հասնող կանանց ու երեխաներին հնարավորություն տրվեց հեռանալ Զեյթունի սահմաններից, ղինվորները կայանավորվեցին կառավարչատանը, իսկ քաղաքում մնացած մի քանի բարձրաստիճան սպաները՝ առանձին անձանց բնակարաններում։

Զեյթունցիների ձեռքն անցան գերմանական երկու հրանոթ՝ 170 արկով, Հենրի-Մաբտինի սիստեմի մոտ հինգ հարյուր հրացան, 120 հազար փամփուշտ, երկու տակառ վառող, մեծ քանակությամբ սննդամթերք, հազուստեղեն և այլն, նաև զեյթունցիներից խաբեությամբ հավաքված շուրջ երկու հազար կայծքարե հրացաններ³⁸։ Զորանոցի վրա բարձրացվեց ապստամբների կարմիր դրոշը, որի վրա գրված էր՝ «Զեյթունի անկախ իշխանություն»³⁹։

Հոկտեմբերի 19-ին ստեղծվեց Զեյթունի հեղափոխական ժամանակավոր եռապարտություն՝ կազմված կառավարման գերագույն մարմնի իրավասություններն ստանձնած ընդհանուր ժողովից և վարչական մարմնից։ Ստեղծվեց նաև քսան մարդուց կազմված ղինվորական խորհուրդ, որի մեջ մտան Զեյթունի ու շրջակա գյուղերի աշխարհազորային խմբերի ներկայացուցիչները։

Ապստամբության պաշտոնական ղեկավարությունը ստանձնել էր Աղասին, որը փաստաթղթերի ու նամակների տակ ստորագրում էր «Գարուն Աղասի»՝ «Զեյթունի ապստամբության ընդհանուր հրամանատար»։ «Զեյթունի անկախ կառավարության նախագահ»։ Սակայն ապստամբության իրական ղեկավարը՝ Նազարեթ Զաուշը էր, որ փայլեց ռազմավարական իր հմտությամբ և անվիճելի հեղինակություն էր բուրդ ապստամբների համար։

Նազարեթ Զաուշի, Աղասու և նրա մարտական ղինակիցներ Հրաշյալի, Ապահի և Մլեհի հետ միասին Զեյթունի ապստամբության օրերին կազմակերպական եռանդուն գործունեություն ծավալեցին ընդհանուր ժողովի փոխնախագահ Կոստան Մոմճյանը, Հովհաննես Ահարոնյանը, Ավետիք Կեսիսյանը, Զեյթունի ճանաչված գործիչներ Կարապետ և Պապ Բասիլոսյանները (Սուրենյան), Նազարեթ Կուլվանեյանը, Խաչեր Կարապետյանը, Սարգիս և Հակոբ Նորաշխարհյանները (Ննիտունյան), Դազար Շորվայանը, Պետրոս և Ավագ Զազրյանները, Կարապետ Տեր-Հակոբյանը, Ասատուր Անդրեասյանը, Սերովբե,

37 Տե՛ս «Զեյթունի պատմագիրը», էջ 534—536։

38 Տե՛ս Աղասի, Զեյթուն և իր շրջականը, էջ 204—206, հմտ. «Զեյթունի պատմագիրը», էջ 539։ Սմբատ Բյուրառ, Զեյթունի վրեժը, էջ 375։ Զեյթունցի, Զեյթունի անցյալն և ներկայան, հ. Ա, Փարիզ, 1902, էջ 42։

39 «Զեյթունի պատմագիրը», էջ 553։

լեռն և Թորոս Յաղուպյանները, Սարգիս Պալճյանը, Կարապետ քահանա նրկանյանը և ուրիշներ⁴⁰։

Պատրաստվելով առաջիկա ահեղ մարտերին, ղեկավարները օգնության դիմում հղեցին նաև Մերսինի անգլիական հյուպատոսին, նկարագրելով իրենց համար ստեղծված ծանր վիճակը⁴¹։ Նման գրություններ առաջին հերթին սուղովեցին Կ. Պոլսի հայոց պատրիարքին։

Զեյթունի իրադարձությունները, հատկապես զորանոցի անկումը, որը մեծ անակնկալ էր թուրքական իշխանությունների համար, իրարանցում առաջացրեց Կ. Պոլսում, Հայկում ու Մարաշում, ուր Զեյթուն անվան փոխարին սկսեցին օգտագործել «Ապստամբ լեռ» արտահայտությունը։ Իշխանությունների զազոտնի թելադրանքով ու կառավարական զորաջոկատների անմիջական մասնակցությամբ ու առաջնորդությամբ նոյեմբերի 5-ի «արյունոտ երկուշաբթի» օրը դաժան հաշվեհարդար տեսան հայաշատ այդ քաղաքի խաղաղ բնակիչների հետ։ Խողխողվեցին հազարից ավելի հայեր, կողտպովեցին ու ավերվեցին հարյուրավոր տներ ու խանութներ։

Զեյթունի զավթողի մահմեդական ազգաբնակչությունը հայերի հետ միմյանց դեմ չկռվելու համաձայնության էր եկել, սակայն թուրք ավազանին կառավարության հրահանգով աղգամիջյան ընդհարումներ էր պատրաստում։ Հարձակումներ սկսվեցին հայկական բնակավայրերի վրա։ Յուրփուզ, Արեգին և մի շարք այլ գյուղերում հաշվեհարդար տեղի ունեցավ հայ ազգաբնակչության հետ։ Հայ աշխարհադրային ջոկատները, Կիրակոս Ղրփանոսյանի ղեկավարությամբ, օգնության շտապեցին տասնվեց օր շարունակ հերոսաբար մարտնչող Երվրիկ գյուղի պաշտպաններին։

Տասն օրից ավելի քաջաբար պաշտպանվում էին նաև Թեկեմիլի գյուղի բնակիչները, որոնց Զեյթունից օգնության հասան Ավետիք Տեր-Ղազարյանի փորթիկ ջոկատը և Արեգինի ու Մավենթի 250 հոգուց կազմված զուեղը՝ հաշեր Կարապետյանի ու Մարտիրոս Ետտայաղյանի ղեկավարությամբ։ Հինգժամյա պայքարից հետո թուրքական հրոսակները ջարդվեցին ու ետ շարտվեցին։ Ապստամբների զրոշը ծածանվեց նաև Զահանի Քարե կամուրջի վրա։ Ապստամբներին հաջողվեց զրավել պատմական Կապան բերդի տեղում գտնվող նույնանուն գյուղը։ Կանչիի մոտ տեղի ունեցած արյունոտ ընդհարման ասիթով «Զեյթունի անկախ կառավարության նախագահ» Աղասու ստորագրությամբ ստեղծվեց ապստամբության առաջին ու հետագայի փաստաթղթերից մեկը։ Այն Զեյթունի ու հարևան գավառակների մահմեդական ազգաբնակչությանն ուղղված թուղթիկ էր՝ ինտերնացիոնալ համերաշխության մի կողմ, որը դրացի հայերի հետ համագործակցելու սուլթանական կառավարության վարած բռնապետական քաղաքականության, իշխանությունների կամայականությունների դեմ միացյալ պայքարի էր կոչում նրան⁴²։

Ապստամբներին հաջողվեց օգնության հասնել նաև իրենց հարավից սահմանակից Անդրուն գավառակի հայերին։ Զեյթունից եկած նշան Նորաշխարհյանի հեծյալ խումբը և Բարդուղիմեոս վարդապետի աշխարհադրային ջոկատները նոյեմբերի 3-ին Անդրուն քաղաքի մերձակայքում՝ Ագտի բերդի ստո-

40 Տե՛ս Ալախի, Զեյթուն և իր շրջականը, էջ 20։

41 Տե՛ս «Թաթերե Հայաստանի արխիվներ», 1963, № 3, էջ 73—77։

42 Տե՛ս «Զեյթունի պատմագիրք», էջ 543—544։

րոտում, հանկարծակիի բերեցին թշնամուն և շեշտակի գրոհով ջախջախեցին ու քընցին քաղաքից, որն ահաբեկված ճողոպրեց դեպի Կարս-Բազար ու Ադանա: Հայ ռազմիկներն ազատեցին բանտարկված ու ոչնչացման վտանգի տակ գտնվող մի քանի հարյուր պատանդ-բանտարկյալների ու հրգեհեցին թուրքական կառավարչատունը: Մի շարք այլ վայրերում, հատկապես Անդրունի մոտ գտնվող Ենիճեկալում, թուրքերը դարձյալ պարտություն կրեցին ու նահանջեցին: Զեյթունի շրջակա գյուղերի համարյա ամբողջ հայ բնակչությունը, ինչպես նաև հարևան Անդրուն և Կոկիսոն գավառակների հայության զգալի մասը տեղափոխվեց Զեյթուն և Ֆոնուզ: Մանր վիճակ ստեղծվեց շուրջ երկու տասնյակ գյուղերի ու նրանց հարող ագարակների սվիլի քան քսան հազար հայ ազգաբնակչության համար:

Այդ օրերին Զեյթունի վրա արշավող թուրքական զորքերի ընդհանուր հրամանատարությունն ստանձնած Ադանայի ապագա դահիճներից մեկի, շերբեղ գեներալ Ռեմզի փաշայի արևելյան կողմած բանակը Մարաշից շարժվեց դեպի Զեյթուն, իսկ Ադանայի կողմից Ալի բեկի գլխավորությամբ լեռնագավառ մտավ արևմտյան բանակը: Թուրքական այս երկու բանակում կար երեսուն հազարից ավելի զինվոր: Նրանց էին միացել համարյա նույնքան անկանոն զորամասեր:

Թշնամու գերակշռող ուժերի անդրանիկ գրոհներն իրենց վրա ընդունած Կապանում դիրքավորված ապստամբները, չորսժամյա կատաղի մարտերից հետո, տեղի տվեցին ու գյուղի բնակիչների հետ միասին նահանջեցին դեպի Ֆոնուզ: Շուտով Ալի բեկի ութ հազարանոց բանակը և նրան միացած մի քանի հազար բաշիբոզուկներ մոտեցան Ֆոնուզին: Կոտրելով գյուղի մատուցյններում գտնվող ս. Կարապետի վանքի առաջապահ ջոկատների դիմադրությունը, ղեկավարելով 2-ին թուրքական զորքերը խուժեցին Ֆոնուզ: Ենթացա մարտերից հետո, անհավասար այդ պայքարում մեծ դոճեր տալով, հինգ հազարի հասնող փախստական գյուղացիների շարասյունը Ապահի ու Բարդուղիմեոս վարդապետի առաջնորդությամբ կովող աշխարհազորայինների ետևից ճեղքեց թշնամու շղթան և հասավ Զեյթուն: Մի այլ ստվար զանգված, Հրաշայի գլխավորությամբ քաշվեց մոտակա լեռները: Շատերի հետ հերոսի մահով ընկավ Օհանավանքի գյուղապետ Մարտիրոս Շատալաղյանը: Խոշոր մի հատված դոճ գնաց թուրք ասկյարների արյունոտ յաթաղանին: Մեծ թվով գերիներ, առավելապես կանայք, սրահալած քվեցին Մարաշ: Սրանցից շատերը խուսափելով թուրքական զապալություններից ճանապարհին իրենց անդունդն էին նետում: Հրկիզվեց ս. Կարապետի վանքը՝ իր հազվագյուտ ձեռագրերով:

Ալի բեկի զորաբանակի Ֆոնուզում տված մարտերի ժամանակ Ռեմզի փաշայի՝ Զահան գետի ափին ծվարած քառասուն հազարից անցնող ահուկ բանակը, Կրուպի տասներեք հրանոթներով շարժվեց Զեյթունի վրա: Մինչ այդ Մարաշի կառավարիչն ու Ռեմզի փաշան դիմեցին սովորական խարդավանքի. նրանք Զեյթուն ուղարկեցին Մարաշից բռնությամբ բանակատեղի բերված հինգ ազդեցիկ հայերից կազմված մի պատվիրակություն, որոնք ներման երաշխիքով զեյթունցիներին պետք է համոզեին ցած դնել զենքը, թուրքերին հանձնել ապստամբության ղեկավարներին, թուրք զերիներին ու զորանոցը⁴³: Այս պահանջները մերժվեցին և թուրքական բանակն անցավ հարձակման:

⁴³ Տե՛ս «Զեյթունի պատմագիրք», էջ 556—557:

Դեկտեմբերի 2-ին, կտրելով Զերմուկի ձորը, ս. Փրկիչ մենաստանի ու նրան մերձակա Սվազենք ու Գալուստենք փոքրիկ գյուղերի մոտ թշնամին բախվեց հայկական աշխարհազորային ջոկատներին: Մարտը շարունակվեց մինչև ուշ երեկո: Մի քանի անընդմեջ գրոհներից հետո, հրետանու կրակի տակ, թուրքներին հաջողվեց գրավել ս. Փրկիչ վանքը և հրեհհել:

Նույն գիշեր ապստամբության ղեկավարների Զեյթունում հրավիրված արտակարգ ժողովում որոշվեց զինել 15—70 տարեկան զենք կրելու ընդունակ բոլոր բնակիչներին ու մինչև վերջ դիմադրել թշնամուն: Փոքրերն ու ծերերը, Զեյթունի դիմադրության ոգին դարձած զեյթուցի խիզախ կանայք, ամենուր զբաղված էին պաշտպանական հոգսերով: Ուլքի կովի լեին կարող, անդամբիրք ու վառող էին մատակարարում կովոզներին, նռանդով օգնում նրանց:

Զեյթունի մոտ վեց հազարի հասնող զինված ուժերը բաժանվեցին համապատասխան տեղամասերում: Արեգնի և Զեյթունի ենիտունյան ու Սուրենյան թաղերի աշխարհազորայիններին հանձնարարվեց նրզնկա լեռան առջևով ձրգվող Սվազ-Կեսուկի անցքի, ինչպես նաև նրանից հարավ ընկած Սանդուխի (Սանտոխ) կիրճի պաշտպանությունը: Պաշտպանական այս հատվածում աշխարհազորային ջոկատների հրամանատարությունն ստանձնել էին՝ առաջինում՝ Արեգնի գյուղապետ Խաչըր Կարապետյանը, Սարգիս, Եղյա, Նշան ենիտունյանները, Խաչիկ և Կարապետ Սուրենյանները, երկրորդում՝ Նազարեթ Զաուլը, Պապ Սուրենյանը, Նազարեթ Կուլմանյանը: Երեք առանձին խմբերի բաժանված Շորվայան և Ձառպյան թաղերի⁴⁴ ռազմիկները, Հարություն Ասամիյանի, Ասատուր Անդրեասյանի, Ավետիք Կիսիսանյանի, Ավագ, Պետրոս, Փանոս Զազրյանների և Թորոս Յաղուպյանի ղեկավարությամբ, դիրքեր գրավեցին Գալուստենք գյուղում և գյուղից հարավ ընկած Զերմուկի կիրճում, ինչպես նաև Սաղիք ու Անի-Ձոր կոչված վայրերում: Փանոս Շամ-Քելշիյանի հրանոթաձիգները Սարգիս Գալճյանի հրամանատարությամբ ռազմիկների մի ջոկատի հետ իրենց վրա էին վերցրել թշնամու հարձակման կենտրոն Սանդուխ լեռան ու նրա հարավային կիրճի, ինչպես նաև լեռնանցքի պաշտպանությունը⁴⁵: Նոր կրականցքեր բացվեցին զորանոցի պարիսպների վրա: Մերկերյանն ու Ապահը ստանձնեցին զորքի հրամանատարությունը: Սկսվեց Զեյթունի քառասունիննօրյա հերոսամարտը:

Դեկտեմբերի 3-ի առավոտյան թշնամին երեք հիմնական ուղղություններով շարժվեց Զեյթուն: Նախ, տիրելով քաղաքի վրա իշխող բարձունքներից մեկը, թուրքական զորքերը շեշտակի գրոհ սկսեցին կենտրոնում, ապստամբներին ստիպելով մարտերով նահանջել դեպի Զեյթունի այգիներն ու զորանոցը: Սրանցից ձախ՝ քարայրների մոտ կովոչ հայ ռազմիկներին հաջողվեց կանգնեցնել թշնամու առաջխաղացումը: Պաշտպանների շարքերում խուճապ սկսվեց, Այդ ժամանակ ճակատի առաջին գծում, նժույգի վրա երևաց Զեյթունի

⁴⁴ 1865 թ., երբ Զեյթուն մտավ առաջին թուրք կառավարիչը, պաշտոնապես փոխվեցին նաև քաղաքի չորս թաղերի անունները. Ենիտունյանը կոչվեց Ցոքար (Նաև Վերին թաղ), Սուրենյանը՝ Օրթա (Նաև Միջին թաղ), Շորվայանը՝ Պոզրայի, Յաղուպյանը՝ Կարկալար: Մրանք հաճախ կոչվում էին նաև թաղերի եկեղեցիների անուններով. համապատասխանաբար՝ ա. Լուսավորչի, ս. Աստվածածնի, ա. Հովհաննեսի և ս. Սարգսի:

⁴⁵ ՏՃ՝ ս Աղասի. Զեյթուն և իր շրջականեր, էջ 271:

ալիզարդ իշխան Կարապետ Բախլույանը։ Նախապես ապստամբությանն ընդդիմացած այս քաջակորով ծերունին մինչև արյան վերջին կաթիլը պայքարելու և հաղթելու կոչ անելով հայ ռազմիկներին, նազարնթ Կուլվանեսյանի հետ միասին իր ետևից մարտի տարավ նրանց։ Նոր համարում ստացած և գտնական Վայ ռազմիկները Սանդուխ լեռան վրա ու նրա կրճերում տեղի ունեցած արյունալի մարտերում խափանեցին թշնամու առաջխաղացումը։ Սանդուխի ճակատամարտը, որտեղ թշնամին կորցրեց հազարից ավելի զինվոր, Զեյթունի ճանապարհին ընկած առաջին խոշոր արգելքն էր, որը հաղթահարելը չկարողացավ Ռեմզի փաշան, իսկ զեյթունցիների համար այն դարձավ սև փական ուժերի ստուգատես։

Նույն օրը երեկոյան Զեյթուն սկսեցին լցվել Ֆոնուզից հեռացած աշխարհազորայիններն ու զյուզացիների առաջին խմբերը։ Զեյթունի ավելի քան 15 հազար բնակչության ավելացան նույնքան փախստականներ⁴⁶, որոնց մեծ մասը կանայք, ծերեր ու երեխաներ էին։ Դրանով նոր զավարթյուններ էին ստեղծվում քաղաքի պաշտպանների համար։ Սովի սպառնալիք էր առաջանում պարենի անհրաժեշտ պաշար չունեցող Զեյթունում։ Բեև եկածների մի մասը զինվեց և համարեց ապստամբների շարքերը, բայց դրույթունը մնում էր անմխիթար։ Ֆոնուզը բարբարոսաբար կոշտպտելուց ու ավերելուց հետո, երկու օր անց, դեպի Զեյթուն շարժվեց նաև Ալի բեկի արևելյան բանակը։

Սանդուխի ճակատամարտի օրը Զեյթունում գտնվող մոտ հինգ հարյուր թուրք զերի զինվորները խռովության փորձ կատարեցին։ Օգտվելով Զեյթունում ստեղծված տագնապալի վիճակից և որ հայերի հիմնական կավող ուժերը գտնվում էին քաղաքից դուրս, թուրք զերիները հարձակվեցին պահակախմբի զինվորների վրա, զինաթափեցին նրանց ու փորձեցին հրդեհել քաղաքը։ Սակայն նրանց հաջողվեց հրդեհել միայն կառավարչատունը։ Քաղաքում մնացած զեյթունցի կանայք, կացիներով, դանակներով զինված, հարձակվեցին հրձիգների վրա, մեծ մասին կոտորեցին և հանգրքին սկսված հրդեհը։

Գեկտեմբերի 6-ի առավոտյան հորիզոնում երևաց այլովող Ավազկալի (Մխալ) երկիրը հասնող ծուխը, որը գուժում էր Ֆոնուզն ավերած Ալի բեկի բանակի մոտալուտ ժամանումը։ Մի քանի ժամ անց նրա առաջապահ զորամասերը քաղաքը երիզող այգիների միջով ճեղքելով թանձր մշուշը, արդեն փորձում էին մոտենալ Զեյթունին։ Հանկարծ աղբամուղջի միջից, ընդամենը տասն-տասնհինգ մետր հեռավորության վրա ուղտացին զիրքավորված ապստամբների հրացանները։

Հեռվից հիշեցին եկեղեցական կոշնակների տագնապալի ձայնը։ Քիչ անց թուրքական բանակի թիկունքից սկսվեց դարանամուտ հայ զինվորների անըստապառի մի գրոհ։ Թշնամու վրա քշելով այծերի հսկա նախիրը, զեյթունցի մի բուռն քաջը խաբուսիկ այլ հնարքով խուճապի մատնեցին թուրք զինվորներին։ Նրանք մեծ կորուստներ տալով և ռազմադաշտում թողնելով մեկ հրանոթ, խուճապահար էտ քաշվեցին։ Զուրանոցի ուղղությամբ հարձակվող արեւիկյան բանակի ջոկատները նույնպես ուժեղ հուկահարված ստացան և նահանջեցին։ Հարձակման անցած զեյթունցիները գրավեցին մի շարք կարևոր ռազմական կետեր։

⁴⁶ Տե՛ս Գր. Հ. Գալուստյան, Մարաշ կամ Գերմանիկ և հերոս Զեյթուն, Նյու-Յորք, 1934, էջ 96։

Հաջորդ օրերին զեյթունցիները, զգալի կորուստների գնով, այնուամենայնիվ կարողացան կանգնեցնել թշնամու ամենօրյա ու անընդմեջ գրոհները: Սակայն Ջեյթունի ներքին կացությունը օրըստօրե բարդանում էր: Սաստկացող սառնամանիքների, սննդամթերքի, հասկապես աղի պակասը նեղում էին հաղարավոր գաղթականներին, ինչպես նաև տեղացիներին ու կովոդ զինվորներին: Թուրքական բանակում սկսված հիվանդությունների համաճարակը մուտք գործեց նաև Ջեյթուն:

Այլևս դրսից օգնություն ստանալու բոլոր հույսերը կտրած Ջեյթունի ավագանու մի մասը հակված էր անձնատուր լինելու: Այդ նպատակով բերդատեր իշխան Կարապետ Բասիլոսյանի և առաջնորդական տեղապահ Կարապետ Երկանյանի ղեկավարությամբ փոքրաթիվ մի խումբ մեկնեց Ռեմզի փաշայի բանակատեղին: Սակայն Ռեմզի փաշայի՝ հաջորդ օրն իսկ Ջեյթունն ավերելու և հրկիզելու սպառնալիքից նրանք հասկացան, որ ներում չի լինելու, ուստի ղեկավարին արկածներից հետո վերադառնալով քաղաք, նորից միացան ապրտամբներին:

Հայ պատվիրակների վերադարձի հետ վերսկսվեց թուրքական երկու բանակների միաժամանակյա հարձակումը: Արևելյան կողմից այն առավել կազմակերպված ու տեական էր հասկապես և. Աստվածածնի վանքի ու զորանոցի ուղղությամբ: Իսկ արևմտյան բանակը լայնակի հարձակում սկսեց Սուլակ-Տետևի ամրոցը գծով: «Հրացանի ձայնը չէր որոշվեր, երկինք ու երկիր կորուտար ու կփայլատակեր»,—հետագայում վերհիշում էր ղեկավարի ակտիվ մասնակից Հ. Ահարոնյանը,— Ջեյթունի վճիռը պիտի տրվեր և կարծես վերջին դատաստանը պիտի ըլլար, 18 թնդանոթներու ռումբերը կարկուտի պես կթափեին քաղաքին, վանքին ու զորանոցին վրա»⁴⁷:

Սակայն թուրքական զորքերի ներքին վիճակը նույնպես բարվոր չէր: Մուլեզնոդ տարափոխիկ հիվանդություններին ավելացավ ղեկտեմբերի երկրորդ տասնօրյակին սաստկացած ձնախառն մրրիկը: Ծգովելով թշնամու ճամբարում տիրող իրավիճակից, այդ օրերին զեյթունցիները ձեռնարկեցին հանդուգըն մի սխրանք: Թուրքական համազգեստ հագած ապստամբների փոքրիկ մի ջոկատ, նշյա նորաշխարհյանի ղեկավարությամբ գիշերով աննկատ բարձրացավ Պերզնկայի բարձունքները և այնտեղից գրոհով մխրձվեց թուրքական զորաբանակի շարքերը: Հարձակվողներին շտաբներելով չտրաչիններից, թուրքերն սկսեցին անողորմաբար խողխողել միմյանց: Ապստամբների ջոկատը մի քանի զոհ տալով հասավ լեռան ստորոտը, ապա միացավ քաղաքի պաշտպաններին: Բայց հաջորդ երկու օրերին (23—24 դեկտեմբերի) թուրքական զորքերը ուժեղ ճնշում գործադրեցին զորանոցի ուղղությամբ, որի անկումն անխուսափելի էր դարձել: Զորանոցի վերջին պաշտպանները՝ Մերկերյանի և Ապահի ղեկավարությամբ հրկիզեցին այն և թշնամու համար անհայտ նոր բացված երրորդ՝ գաղտնի ելքով հեռացան ղեպի քաղաք: Ամրացվեցին Ջեյթուն տանող մյուս դիրքերը և արևելյան կողմից քաղաք մտնող Շորվայան (Պոզպայիտ) թաղի երկու կամուրջները:

Հարավ-արևմուտքից հարձակվող Ալի բեկը նույնպես անցավ վճռական գործողությունների, բայց էական հաջողությունների չհասավ: Այդ օրերին Ջեյթուն շտապող ֆոնտզցի աշխարհագրայինների մի ջոկատ Պետրոս Ըին-

47 «Ջեյթունի պատմագիրք», էջ 600:

կողմանի ղեկավարությանը հարձակվելով Ալի բեկի բանակին պարեն բերող թուրքական ջոկատի վրա, գրավեց ամբողջ պաշարը: Զոկատից կենդանի մնացած և բանակատեղի հասած ղինվորները չափազանցված ներկայացնելով իրենց վրա թիկունքից հարձակված ասպտամբների ուժը, ահաբեկեցին Ալի փաշային, որն զգուշացավ և իր զորամասերը հետ քաշեց քաղաքի սահմաններից⁴⁸:

Դեկտեմբերյան կատաղի մարտերի ժամանակ հայ նշանառուներից մեկը խոցեց Ռեմզի փաշային: Վերավոր ու գաղազած փաշան, որ կորցրել էր իրեն, տենդի մեջ անխուհեմ մի հեռագիր հղեց Կ. Պոլիս՝ նոր համալրումներ ստանալու խնդրանքով: Հեռագիրը տեղ հասնելուն պես, առանց այն էլ սովորյալ աշքրում արդեն դանդաղկոտ երևացող զորապետն անմիջապես պաշտոնանկ արվեց և զորքերի ղեկավարությունը հանձնվեց թուրքական հինգերորդ բանակի հրամանատար էթհեմ փաշային: Սրա առաջին գործը եղավ ցրել պարբերաբար դասալրող անկանոն միավորումները և միաժամանակ ղեկավարելու հետ համաձայնության գալու գործնական ուղիներ փնտրել: Այն արտահայտվեց նախ Զեյթունը հիմնահատակ կործանելու մասին սարսափազդու հայտարարություններով, և որպես նախաքայլ՝ վերսկսվեց քաղաքի անընդմեջ հրետանակոծությունը: Դրանով նա փորձում էր ահաբեկել պաշտպաններին և հանձնվելու մղել նրանց: Սակայն այդ ջանքերն ապարդյուն անցան:

Զեյթունի հարցը շտապ կարգավորելու խնդիրն անհետաձգելի էր դարձել Բ. Դուան համար: Ապստամբության ավելի բան չորս ամիսների ընթացքում հայերը կորցրել էին շուրջ երեքուկես հազար, իսկ թուրքերը՝ մոտ քսան հազար զինվոր, որոնց մեծագույն մասը զոհվել էր ցրտից ու համաճարակից⁴⁹: Խիստ սրվել էին հարաբերությունները Հունաստանի հետ. հունական խոշոր մի զորաբանակ արդեն կանգնած էր Թուրքիայի սահմանի մոտ: Թուրքական հինգերորդ բանակը պետք է ձեռքազատվեր, դեպի Հունաստան արշավելու համար: Այս իրադրության մեջ Բ. Դուռը, անսպավ Կ. Պոլսի եվրոպական դեսպանների ու հայոց պատրիարքարանի միջնորդությանը, իր համաձայնությունը հայտնեց, որպեսզի մեծ տերությունների Հայնպի հյուպատոսներն իրենց երկրների անունից միջնորդի դեր ստանան: Զեյթունի ասպտամբների և թուրքական կառավարության միջև: էթհեմ փաշան հրաման ստացավ զաղարեցնել պատերազմական գործողությունները:

Դեկտեմբերի վերջերին զեյթունցիներին հանձնվեց Հայնպի հյուպատոսների հեռագիրը, որի առթիվ փլուզվող օսմանյան բանակում արդեն ցնծություն էր տրորում: Զեյթունցիները նույնպես այն ընդունեցին ոգևորությամբ, մանավանդ որ հյուպատոսների միջամտության փաստը նրանց կողմից դիտվեց որպես կառավարության ղեմ տարած անվիճելի հաղթանակ: Նույն օրն իսկ Հայնպ հղվեց պատասխան հեռագիր, որտեղ ասպտամբներն իրենց համաձայնությունն էին հայտնում Բ. Դուան ու իրենց միջև հյուպատոսների միջնորդությունն ընդունելու մասին: Սակայն թուրքական իշխանությունների կամայականության հետևանքով, հյուպատոսներին հաջողվեց Զեյթուն ժամանել միայն 23 օր անց:

48 Տե՛ս և Զեյթունի պատմագիրքը, էջ 620—621:

49 Տե՛ս Մամիկոն Վառժապետյան, Հուլիկո Զեյթունի, Մարզվան, 1912, էջ 198:

Հունվարի վերջերին թուրքական բանակատեղի հասան ռուսական, անգլիական, ֆրանսիական ու իտալական հյուպատոսները՝ Ցակիմանսկին, Պարն-հայմը, Պարթևլեմին և Հենրիկո Վիթթոն⁵⁰։ Գերմանական ու ավստրիական հյուպատոսները չէին ժամանել և նրանց ներկայացնում էր իտալական հյուպատոսը։ Զ. Վիթթոյի նախագահությամբ սկսվեցին բանակցությունները։ Թուրքական կողմի ներկայացրած պայմանները, որոնք հանգում էին ապստամբության առաջնորդներին պատժելուն, իսկ մյուսներին ընդհանուր ներում խոստանալուն միայն, ընդունելի չէին և մերժվեցին զեյթունցիների կողմից։ Իրենց հայ ժողովրդի բարեկամ ու անշահախնդիր հաշտարարներ ձևացնող, բայց իրականում թուրքերի խնամակալությունն ստանձնած անգլիական ու ֆրանսիական հյուպատոսները, մանավանդ անգլիական հյուպատոս Պարնհայմը, համոզում, անդամ սպառնում էին անմիջապես հեռանալ, եթե հայ պատվիրակները չհրաժարվեին իրենց «անհեթեթ» առաջարկներից և ընդունեին թուրքերի թելադրած պայմանները։ Սակայն Ջեյթունի պատվիրակները վերդոված մերժեցին այդ առաջարկները, հայտարարելով, որ իրենք սոսկ ներում ստանալու համար չեն ապստամբել, և որոշակի հայանեցին ապստամբությունը շարունակելու իրենց վճռականության մասին։ Թուրքերն ու հյուպատոսները տեղի տվին և բանակցությունները շարունակվեցին։

Ջեյթունի պատվիրակները պահանջեցին, հաշտություն և ընդհանուր ներում, առանց որևէ պահանջ-պայմանի, Ջեյթունի համար քրիստոնյա կառավարիչ և բարենորոգումներ Թուրքիայի բոլոր հայկական կուսակալություններում։ Թուրքական կողմը սափաված էր զնալ գիշումների։ Ինը օր տե՛ած բանակցությունները վերջապես ավարտվեցին։ Հունվարի 30-ին Ջեյթունի ապստամբների, թուրքական կառավարության և վեց տերությունների ներկայացուցիչների միջև ստորագրվեց մի համաձայնագիր, ըստ որի ընդհանուր ներում էր շնորհվում բոլոր ապստամբներին, իսկ հնչակյան զրսեկ զործիշներին արտոնվում էր պետական ծախքով հեռանալ արտասահման։ Աշխարհազորային ու փախստական դյուղացիներն անարգել ու անպատիժ պետք է վերադառնային իրենց բնակավայրերը։ Կառավարության միջոցներով պետք է վերականգնվեր զորանոցը։ Ջեյթունում նշանակվելու էր քրիստոնյա կառավարիչ, ինչպես նաև ոստիկանական և այլ պաշտոններում նախապատվությունը տրվելու էր զեյթունցիներին։ Ապստամբները պետք է վերադարձնեին գրաված զենքերը։ Թուրքական բանակը պետք է հեռանար Ջեյթունի գավառակից, այնտեղ թողնելով միայն մեկ զորամաս։ Չեղյալ էին հայտարարվում զեյթունցիներից նախկինից մնացած բոլոր ապառքները։ Այս ամենի իրականացման հսկողությունը դրվում էր մեծ տերությունների հյուպատոսների վրա։ Այդ նպատակով Մարտում պետք է ստեղծվեին նրանց հյուպատոսարանները⁵¹։ Նույն օրը Ջեյթունի եկեղեցիների զանգերի նրկարատեև ղողանելով ազդարարվեց ապստամբության հաղթական ավարտը։ Սակայն ինչպես բարենորոգումների մյուս ծրարերը, այնպես էլ այս համաձայնագիրը հետագայում մնաց թղթի վրա։ Թուրքական իշխանությունները, անգլիական հյուպատոսի մեղսակցությամբ, անգամ փորձեցին վիժեցնել հնչակյան զործիշների նվրդապանացնելու թույլ-

⁵⁰ Հետագայում, 1897 թ. Զ. Վիթթոն Անատոլիո կաթինո ծածկառնումով հրատարակեց „Gli Armenie Zeitan“ սովորածավալ աշխատությունը։

⁵¹ Ազատի, Ջեյթուն և իր շրջակայքներ, էջ 348—356։ Նաև Ջեյթունի պատմագիրքը, էջ 634։

տրվութիւն մասին կենտրոնացնելով Ռուսի ժանր փորձութիւններէն հետո միայն հետ-
եւեւ իր իրականութեան հետ համեմատելով Մարաշ, ապա Ադանայի վրայով
Մերսին, իսկ այնտեղից՝ Եմրոպա⁵²։ Զեյթունը մեծ դժվարութիւններէն հետո
ստացավ թրիստոնյա կառավարիչ (աղզութիւն մը հուն) Յովանակի)։

Զեյթունի 1895 թ. ապստամբութիւնը հայ ազատագրական շարժումներ
փառապան է, ժողովրդական-զանգվածային ըմբոստութիւններէն համեմա-
տաբար կազմակերպւածն ու ամենախոշորը։ Զեյթունի հերոսամարտիկները
հասան ոչ միայն բարոյական, այլև գործնական հաղթանակի, ստիպելով օս-
մանյան դահապետներին հաշտութիւն սեղանի շուրջ նստել ուղղադատում
հաղթանակած հայ ապստամբների հետ։ «Զեյթունցից այս խիզախ շարժման
շնորհիւ,— հետագայում իրավացիորեն գրել է Պլոսահը՝ նշանավոր հասարա-
կական գործիչ, դոկտ. Հ. Տաղավարյանը,— դեպի Փոքր Ասիոյ արևմտյան
Լզերները առաջացող ջարդը կասեցվեցավ, և կարելի եղավ խնայել կիլիկիոյ
ամենաբարձրագոյն քաղաքը՝ Ադանան»⁵³։

Մեծ տերութիւնների միջամտութիւնն էլ կապւած էր զեյթունցիների
զենքի դիմելու հետ։ Դեպքերից մի քանի տարի անց Արշակ Չոպանյանն իրա-
վացի խորհում էր, որ նման ժամանակաշրջանում «ամբողջ Հայաստանի ամե-
լումը լուռ ու մուռն» դիտող Եմրոպան միջամտեց Զեյթունի գործերին, քան-
զի լեռնականները զենքով էին պաշտպանել ապրելու իրենց իրավունքը⁵⁴։
Զեյթունի ապստամբութիւնը հարստահարվող, բայց օտարի լուծը հեղու-
թյամբ շտապող, ըմբոստ ու ազատատենչ հայ գեղջուկի ինքնաբերական բողոքն
էր, ժողովրդական հզոր մի պոռթկում։

5. ՎԱՆԻ 1896 Թ. ԻՆՎԱՊԱՇՏՊԱՆՈՒԹՅՈՒՆԸ

1895 թ. վերջերին, 1896 թ. սկզբներին արդեն Վանի ու նրա շրջակա գա-
ւառների ոստիկանական ու զինվորական մասերում ետուղեն էր տիրում։

Հենց այդ օրերին էլ, արտակարգ լիազորութիւններով, բարենորոգումների
իրագործման անվան տակ, բայց իրականում հայկական կոտորածներ կազ-
մակերպելու նպատակով, Վան ժամանեց սուլթանի հանձնակատար Սաադեդդին
փաշան։ Նա անհապաղ շեղորացրեց ինչպես ժայռահեղութիւններից խուսա-
փող կուսակալ Նազիմ փաշային, այնպես էլ նրա օգնական Սուեփան Մելիք-
յանին, որը ետը էր միայն ստանձնել այդ պաշտոնը։

Դեռ Սաադեդդինի ժամանումից առաջ պարբերաբար Վան հասնող հա-
մատարած ջարդերի բռնի քաղաքի հայ ազգաբնակչութիւնը ստիպել էր լըր-
ջորեն խորհել մոտալուտ արհամիրքը դիմագրավելու մասին։

Վասպուրականի, հատկապես Վանի ու նրա շրջակա հայութեան ինքնա-
պաշտպանութեան կազմակերպման նպատակով դեռ 1895 թ. կեսերին Սալմաս-
տից Վան էին անցել և քաղաքում ու մոտակա գյուղերում գործում էին հայ-
դուկային մի քանի փոքրիկ ջոկատներ։ Նման ջոկատներ ստեղծվել էին նաև
տեղերում։ Ավելի ուշ՝ 1895 թ. աշնանը, ժանր փորձութիւնների ենթարկվե-
լով Սալմաստից Վան անցան Ներսեսի (Գ. Պեղոյկյան), Վազգենի (Տ. Տերո-

52 ՏՃ՝ ա Ազաթի, Զեյթուն և իր շրջակայքը, էջ 357—373։

53 «Զեյթունի ապստամբութիւն», էջ 775—776։

54 ՏՃ՝ «Անահիտ», 1899, № 10։